

Talamdan
sa Mga Mensahe alang sa Full-time Training
sa Fall Term sa 2025

LINANGKOB NGA HISGOTANAN:
ANG MAHINUNGدانONG MGA PUNTO SA KAMATUORAN SA MGA SULAT NI PABLO—
FILIPOS UG COLOSAS

Mensahe 5

Himoong Tanan si Cristo para Mabatonan Siya Aron Mabatonan Ta Niya

Basahong Kasulatan: Mat. 3:17; 12:18; 16:24; Mar. 9:7-8; 2 Cor. 2:10; Gal. 1:15a, 16a; Col. 2:16-17

I. Si Cristo ang gitinguha sa kasingkasing sa Dios—Mat. 3:17; 12:18; 17:5; Gal. 1:15a, 16a:

- A. Ang tinguha sa kasingkasing sa Dios mao nga magpadayag ni Cristo ang matag tawo, matag hitabo, ug matag butang sa uniberso; kon mahiusa na ang tanan ubos sa usa ka Ulo nga si Cristo, duna nay hingpit nga kalinaw ug panag-uyon, ug magpadayag ni Cristo ang tanang naa sa uniberso—Col. 1:15-19; 3:10-11; Efe. 1:10, 22-23; 4:15-16; Isa. 55:11-13.
- B. Naanaa ta aron magpadayag ni Cristo, nagsangyaw ta sa ebanghelyo aron magpadayag ni Cristo, alang sa pagpadayag ni Cristo ang buhat nato, ug alang sa pagpadayag ni Cristo ang iglesia—43:7; Fil. 1:20; 2 Cor. 4:5; 1 Cor. 15:58; Juan 17:23; Efe. 1:23; 3:19-21.
- C. Si Cristo ang realidad sa tanang positibong butang sa uniberso—Col. 2:16-17:
 1. Dakong hulagway nga gipintal sa Dios ang tibuok uniberso nga nagsaysay ni Cristo, naghulagway ni Cristo, ug alang sa pagpadayag ni Cristo—1:15-17; Sal. 19:1-6; Rom. 1:20; Heb. 11:3.
 2. Nikaon ug niinom ta ni Cristo adlaw-adlaw, nakompleto ug nagpahulay ta diha Niya matag semana, nakasinati tag bag-ong pagsugod diha Niya matag bulan, ug Siya ang atong kalipay ug pagpahimulos sa tibuok tuig—Col. 2:16-18a.
- D. Makita ug maamgohan gyod unta nato sa sulod nga walay laing gusto ang Dios kondili si Cristo mismo ra; ang tumong sa Dios sa Iyang pahiuili pagpahiuili man ni Cristo nga tanan kanato—1 Cor. 1:9:
 1. Sa dihang nisulod si Cristo kanato, gusto Siya nga dili lang mahimong atong kinabuhi kondili atong tanan sab; Siya ang atong gininhawa sa kinabuhi (Juan 20:22), tubig sa kinabuhi (4:14; 7:37-39), tinapay sa kinabuhi (6:35, 48), kahayag sa kinabuhi (1:4; 8:12), ug puluy-anan sa kinabuhi (14:23; 15:1, 4-5).
 2. Maggawi gyod ta nga nahiangay sa Ginoo aron magpahimuot Niya sa tanang butang, nga mamunga sa tanang maayong buhat pinaagi sa pagkinabuhi nato ni Cristo, pagpatubo ni Cristo, pagpadayag ni Cristo, ug pagpakaylap ni Cristo sa tanang paagi—Col. 1:9-10.
 3. Ipaumol gyod nato sa Dios si Cristo kanato hangtod mahimo Siyang tanan kanato—ang atong hilabihang kalipay ug hilabihan kadakong ganti—Efe. 3:16-19; Sal. 43:4a; Gen. 15:1; Juan 15:11; Rom. 14:17; Fil. 3:14.
 4. Ang labing dakong panginahanglan nato karon mao nga makita nato si Cristo nga Espiritung nagpuyo sa atong espiritu; kon dili nato makita kining puntoha, objectibong doktrina lang kanato ang tanang iya ni Cristo—1 Cor. 15:45b; 2 Cor. 3:17—4:1; 2 Tim. 4:22; 1 Cor. 6:17; Juan 4:24.
 5. Si Cristo sab ang Pulong; kon kontakon nato ang Pulong sa Ginoo gamit ang atong espiritu, mahimong espiritu ang Iyang mga pulong, ug sa mahimo nang espiritu ang Iyang mga pulong, mosulod ang Espiritu kanato aron hingpit tang maokupahan Niya, matransporma Niya, ug

masagol Niya aron matagbaw ang tinguha sa kasingkasing sa Dios—Efe. 6:17-18; Juan 5:39-40; 6:63.

- E. Sa makita na nato si Cristo nga malangkobon-sa-tanan ug makat-on na ta sa sekreto sa pagpahimulos Kaniya, magmatinumanon ta sa pahiuli sa Ginoo—Mar. 9:7-8; Buh. 26:19, 22; 1 Cor. 1:2, 9-10; 2:9-10; 2 Cor. 2:10; 2 Tim. 4:9-18; Fil. 1:19-21a:
1. Itingob gyod nato Kaniya ang atong pagtagad, dili kang bisan kinsang mga tawo, mga butang, o mga hitabo nga dili Siya; ipunting gyod nato ang atong pagtagad Kaniya nga bugtong-talagsaong sentro nga gitudlo sa Dios aron masulbad ang tanang problema sa mga magtutuo—1 Cor. 1:9; Bug. 2:4-5; Col. 1:17b, 18b.
 2. Kon magtagad ra ta ni Cristo nga bugtong-talagsaong sentro, pagpili, gusto, gana, ug pagpahimulos nato, mag-amping kini nato diha sa iglesia sa pahiuli sa Ginoo hangtod mobalik Siya; kay kon dili, mahigawad o masimang ta ug mobiya sa pahiuli sa Ginoo.

II. Mosunod gyod ta sa sumbanan ni Pablo sa Filipos nga himoon si Cristo nga tanan:

- A. “Alang nako, ang pagkabuhi mao si Cristo”—gihimo ni Pablo si Cristo nga pagkinabuhi niya—1:21a.
- B. “Sa gihapon, bisan karon mapadako si Cristo diha sa akong lawas, pinaagi ba sa kinabuhi o pinaagi sa kamatayon”—gihimo ni Pablo si Cristo nga pagpadayag niya—v. 20.
- C. “Maanaa unta ninyo kining hunahunaa, nga naa sab ni Cristo Jesus”—gihimo ni Pablo nga iyang hunahuna ang hunahuna ni Cristo—2:5.
- D. “Makaplagan diha Niya, dili nga dunay kaugalingon nakong pagkamatarong nga gikan sa kasugoan, kondili kadto hinuong pinaagi sa pagtuo diha ni Cristo, ang pagkamatarong nga gikan sa Dios ug pinasikad sa pagtuo”—gihimo ni Pablo si Cristo nga gikinabuhing pagkamatarong niya—3:9.
- E. “Tungod sa labaw nga pagkamaayo sa pagkaila ni Cristo Jesus nga akong Ginoo, nga tungod Niya nag-antos ko nga mapildihan sa tanang butang ug nag-isip niini nga biya aron mabatonan nako si Cristo”—giisip ni Pablo nga ang pagkaila ni Cristo maoy kinalabwan—v. 8.
- F. “Usa ka butang ang akong gibuhat: Gikalimtan nako ang mga butang nga nangagi na ug gikab-ot ang mga butang nga naa sa unahan, nagpursigir ko sa tumong alang sa ganti nga niana gitawag ko sa Dios paingon sa itaas diha ni Cristo Jesus”—gihimo ni Pablo si Cristo nga tumong niya—vv. 13-14.
- G. “Mga igsoon, bisan unsay tinuod, bisan unsay halangdon, bisan unsay matarong, bisan unsay putli, bisan unsay hiligugmaon, bisan unsay dinayeg, kon duna may maayong gawi ug kon duna may pagdayeg, hinumdoman ninyo kining mga butanga”—gihimo ni Pablo si Cristo nga maayong kagawian niya—4:8.
- H. “Makahimo ko sa tanang butang diha Niya nga naggahom nako”—gihimo ni Pablo si Cristo nga iyang gahom aron ikinabuhi si Cristo ingon nga maayo kaayong pagkinabuhi niya—v. 13.
- I. “Nakat-on na man ko nga makontento sa bisan unsay akong mahimutangan. Makamao sab ko magpakaubos, ug makamao ko magpakabuhong; sa tanang butang ug diha sa tanang butang nakat-onan na nako ang sekreto nga magpakabusog ug magpakagutom, nga magmadagayaon ug maanaa sa kawalad-on”—gihimo ni Pablo si Cristo nga sekreto niya—vv. 11-12; itandi sa vv. 4-7.
- J. “Naa ang atong nasod sa mga langit, ug gikan niini maikagon sab tang nagpaabot og Manluluwas, si Ginoong Jesucristo, nga mag-usab sa dagway sa lawas sa atong kaulawan aron masama sa lawas sa Iyang himaya, uyon sa Iyang pagbuhat nga tungod niana makahimo Siya bisan sa pagpasakop sa tanang butang sa Iyang Kaugalingon”—gihimo ni Pablo si Cristo nga paglaom niya—3:20-21.

III. Nabatonan nato si Cristo aron mabatonan ta Niya (v. 12; itandi sa Hab. 1:1) segun ning mga aspetoha:

- A. Makapabati nato sa presensya sa Dios (sa pneumaticong Cristo) ang pagkabaton nato ni Cristo—Juan 20:22; Exo. 33:11a, 14:
1. Usa ra ka butang ang angay natong kahadlokan—nga mawad-an ta sa presensya sa atong Ginoo—2 Cor. 2:10; itandi sa Efe. 4:30; 1 Tes. 5:19.

2. “Buhion ta Niya human sa duha ka adlaw; / Pabangonon ta Niya sa ikatulong adlaw, / Ug mabuhi ta sa Iyang presensya” (Oseas 6:2)—ang realidad sa ikatulong adlaw mao ang persona, ang presensya, sa nabanhaw nga Cristo nga dunay realidad sa pagkadasig pag-usab (Hab. 3:2).
- B. Makapabati nato sa kasanag ug katin-aw sa sulod ang pagkabaton nato ni Cristo—Bug. 22:1; Juan 1:4; 8:12; Ezeq. 1:22, 26.
- C. Makapabati nato nga nasangkapan ta sa sulod ni Cristo nga espirituhanong pagkaon ug ilimnon nato ang pagkabaton nato ni Cristo—1 Cor. 10:3-4; Juan 6:57; 4:10, 14, 24; 1 Cor. 12:3b, 13.
- D. Makapatubo nato sa kinabuhi ug magtransporma nato ngadto sa Iyang dagway ang pagkabaton nato ni Cristo—Col. 2:19; 2 Cor. 3:18; Rom. 12:2.
- E. Makapalagsik ug makapabuhat nato ang pagkabaton nato ni Cristo—Dan. 11:32b; Buh 1:8; 5:20; 13:1-4; 1 Cor. 14:31; itandi sa Ezeq. 3:1-3; Sal. 68:11-13, 19.

IV. Aron mahimo natong tanan si Cristo ug mabatonan Siya sa tanang butang, kat-onan gyod nato nga mapadayonong magdumili sa atong kaugalingon ug moliso sa atong espiritu:

- A. Bug-os gyod tang mosulod sa atong espiritu kay ang Ginoo nga Espiritu, nga realidad sa Lawas, naa man sa atong espiritu—2 Tim. 4:22; Efe. 1:17; 2:22; 3:5, 16; 4:23; 5:18; 6:18.
- B. Kat-onan gyod nato nga ipatumong ang atong salabotan sa espiritu; sa ato pa, kat-onan gyod nato nga mosalig sa Dios ug magsalig sa Ginoo; ang tinuod nga sekreto sa pagkinabuhi sa Cristohanong kinabuhi alang sa iglesiahanong kinabuhi mao ang pagpatumong sa atong salabotan sa espiritu—Rom. 8:6.
- C. Ang pagliso nato sa espiritu maoy sekreto sa pagka-Cristohanon; ang paagi sa pagsunod nato sa Ginoo, pagpahimulos sa kadato sa Ginoo, pagkinabuhi sa realidad sa Lawas ni Cristo, ug pagbuhat diha sa pagpangalagad sa Bag-ong Tugon mao ang mapadayonong pagbansay sa pagsalikway sa atong kaugalingon, pagwala sa atong kinabuhi-sa-kalag, ug pagliso sa atong espiritu—2 Cor. 3:3, 6, 16—4:1; 2 Tim. 4:22; Fil. 1:19; Rom. 8:16.
- D. Ang buhat sa Ginoo, nga gibuhat nato pinaagi sa gahom sa Espiritu Santo, buhat man nga nagsugod sa espiritu ug natapos sa espiritu; nagsugod sa atong espiritu ug natapos sa espiritu sa uban kining buhata—1 Cor. 2:4-5, 13, 15; 2 Cor. 3:6; 13:3; itandi sa Sal. 42:7a.
- E. Duna tay espiritu nga mokontak ug modawat sa Dios ug kalag nga magkinabuhi ug magpadayag sa Dios; ang pagdawat nato sa Dios, pagkinabuhi nato sa Dios, ug magpadayag nato sa Dios mao gyod untay atong kalipay, kalingawan, ug kalipayan—Juan 4:10, 14, 24; 6:57; Luc. 1:46-47; 1 Cor. 10:31.
- F. Gilalang sa Dios ang kalag sa tuyo nga magpadayag Niya, dili aron dunay kaugalingon niining pagpahimulos o gusto; wala gyoy makinaugalingong pagpahimulos diha sa pamatigayon sa Dios; ang pagpangalagad ni Pablo pagpaambit man sa kadato ni Cristo isip grasya ngadto sa mga magtutuo aron mapahimuslan nila—Gen. 1:26; 2:7; Efe. 3:2.
- G. Ang pagdumili sa atong kaugalingon nagpasabot sa pagsalikway sa tinguha, gusto, ug pagpili sa kalag; ang unang sala sa tawo pagbuhat man og alang sa iyang kaugalingon, aron matagbaw ang kaugalingon—Gen. 3:1-7.
- H. Tanang naggikan sa atong kaugalingon (sa hunahuna, pagbati, ug pagbuot sa atong hulog nga kalag) nadugtong ni Satanas ug sa mga demonyo—Mat. 16:21-27:
 1. Isip dili putling asawa ni Jehova, nadaotan ang Israel; makaamgo gyod unta ta nga mobiya ngani ta sa Dios, mabuhat sab nato ang bisan unsang matang nga kadaotan—Oseas 4:1; Efe. 4:17-21.
 2. Makaamgo gyod unta ta nga kon dili ta magpabilin sa pakig-ambitay sa Dios diha sa atong espiritu, mawad-an ta sa presensya sa Dios ug makahimo ta nga maanaa sa unod ug maggawi sama sa mga tawo sa kalibotan—Fil. 2:1-2; 1 Juan 1:3; Efe. 4:17-19; Gen. 20; itandi sa 12:11-13; 13:18.
 3. Dili gyod mahimong mobakasyon ta sa atong pakig-ambitay sa Dios diha sa atong espiritu; ang panalipod nato dili man ang atong kaugalingon, kondili ang presensya sa Dios—1 Juan 1:3; itandi sa Sal. 31:20.

I. Ang pag-ampo maoy tinuod nga pagdumili sa kaugalingon:

1. Dili kinahanglang tinag-as ang atong pag-ampo; igo na ang pagtawag og “O Ginoong Jesus”; bisan kanang mubo nga pag-ampo nagpasabot mag “dili na ako kondili si Cristo”—Rom. 10:12-13; Gal. 2:20.
2. Nanghimatuod ang atong pag-ampo nga wala ta mogamit sa kaugalingon natong kusog sa pag-atubang sa kahimtang (aron “hinginlan ang mga demonyo”); iaplikar hinuon nato si Cristo—Mar. 9:14-29.
3. Ang pag-ampo pagbatasan man sa panan-awon kalabot ni Cristo nga ang Iyang kamatayon ug pagkabanhaw maoy atong puli aron hingpit tang “ma-Cristo” aron matagbaw ang gitinguha sa kasingkasing sa Dios—vv. 2-13.